

Mirsad Pindžo

Zastupnik u Skupštini Kantona Sarajevo

## KANTONALNO TUŽILAŠTVO

### KANTONA SARAJEVO

**PREDMET:** Zastupničko pitanje

1. Molim Kantonalno Tužilaštvo Kantona Sarajevo da mi u pisanom obliku odgovori da li su završene provjere, okončani pokrenuti krivični postupci i donesene konačne tužilačke odluke za predmete navedene u odgovoru na moje pitanje od strane ovog Tužilaštva broj: A-380/15 od 12.06.2015. godine.

2. Također molim Kantonalno Tužilaštvo Kantona Sarajevo da mi odgovori da li je bilo podnesenih krivičnih prijava protiv Direktora KJP „ZOI 84 – Olimpijski centar“ Sarajevo, Midhata Hubijara u periodu 2014-2018 godine, i u kom su statusu te eventualno podnesene prijave (provjere, donesene konačne tužilačke odluke i dr.).

### **Obrazloženje:**

Nepune tri godine je prošlo od odgovora ovog Tužilaštva na moje zastupničko pitanje, a da u javnosti nisam primijetio da je i jedan predmet koji je bio tada u radu završio optužnicom, pa me interesuje da li su predmeti još uvijek u radu ili su završeni tužilačkom odlukom o neprovođenju istrage.

Drugo pitanje je inicirano analizom izvještaja o poslovanju KJP ZOI 84 i izvještajima neovisnih revizora za prethodne godine, Izvještaja o finansijskoj reviziji ovog preduzeća od strane Ureda za reviziju u FBiH za 2016.g., izvještajima nadležnih inspekcijских organa kao i saznanja od pojedinaca, bivših i sadašnjih uposlenika preduzeća.

Na bazi informacija iz svih ovih izvora može se zaključiti da se osnovano sumnja u počinjenje više krivičnih djela od strane Direktora preduzeća Midhata Hubijara, sročeni u jednoj od prijava čija kopija je meni dostavljena (anonimno), a ja nemam saznanja i potvrde da li je podnesena Tužilaštvu. Dostavljam vam istu u prilogu i tražim od vas odgovore da li ste provjeravali ove navode i u kom statusu se prijave nalaze.

Sarajevo, 05.03.2018.godine

Zastupnik  
Mirsad Pindžo

**POČINJENA KRIVIČNA DJELA DIREKTORA KJKP „ZOI'84“ d.o.o.  
SARAJEVO U PERIODU 2014.-2018. GODINA**

- 1. Direktor KJKP „ZOI'84“ d.o.o. Sarajevo je počinio krivično djelo iz član 268. Stav. i člana 275. KZ FBiH.**

Direktor KJKP „ZOI'84“ d.o.o. Sarajevo počinio je krivično djelo iz člana 268. Stav 4. KZ-a FBiH što je odobreni sanacioni kredit po Programu sanacije KJKP „ZOI'84“ d.o.o. Sarajevo, koji je odobrila Skupština Kantona Sarajevo, iskoristio (vršio plaćanja) u druge svrhe od onih za koje su mu ta sredstva odobrena.

Direktor KJKP „ZOI'84“ d.o.o. Sarajevo je počinio krivično djelo iz člana 275. KZ FBiH – Nepravilno izdvajanje sredstava pravne osoba time što je koja je odobrila izdvajanje sredstava pravne osobe u druge svrhe, a ne za plaćanje porezne obaveze pravne osobe, pa je time prouzrokovana nesposobnost pravne osobe za blagovremeno podmirenje porezne obaveze.

Obrazloženja počinjenog krivičnog djela je u činjenici da iz sanacionog kredita nisu isplaćene obaveze iz prve tranše kredita u obimu koji je odobrio Nadzorni odbor u skladu sa tačkom IV Programa sanacije. Nije ispoštovan procentualni raspored plaćanja obaveza po nosiocima iz I tranše kredita od 6 mil KM. Nisu uplaćene planirane obaveze PIO/MIO. Iz II tranše kredita nije izvršena kompletna finansijska konsolidacija.

Utrošak odobrenih kreditnih sredstava sanacionog kredita od 8.000.000 KM nije korišten u skladu sa propisanim načinom izmirenja obaveza tačka 4.4.1. Programa sanacije, time što je izmirivao nefakturisane obaveze u znatno većem procentu od predviđenog procenta izmirenja obaveza po Programu sanacije i što nije izmirio obaveze za poreze i doprinose iz poslovanja preduzeća, što je bila obaveza izmirenja u 100% procentu.

Direktor je zloupotrebio položaj i ovlašćenja u implementaciji Programa sanacije “ZOI-84” d.o.o. OCS. Kreditna sredstva nisu raspoređena po programu sanacije koji je usvojen od strane Skupštine KS, nisu uplaćeni doprinosi zaposlenicima i potraživanja od strane dobavljača, a što je ustanovila i Finasijska policija Federacije BiH prilikom koontrole u avgustu 2015. Godine. Imenovani direktor je podneo lažan izvještaj ministru privrede u Vladi Kantona Sarajevo i Skupštini KS o rasporedu kreditnih sredstava od novembra 2014. Godine

- 2. Direktora KJKP “ZOI-84” d.o.o. OCS Sarajevo, počinio: krivična djela: Zloupotrebe službenog položaja iz člana 383. Stav 3., Nesavjesan rad u službi iz člana 387. Stav 3. Krivičnog zakona Federacije BiH, zbog toga što je u svojstvu odgovorne osobe – direktora KJKP “ZOI-84” d.o.o. OCS Sarajevo, iskorišćavanjem svog službenog položaja ili ovlašćenja, prekoračivši granice svoje**

službene ovlasti, zloupotrebio službeni položaj na način da je nesavjesnim radom u službi sebi i drugima pribavio protiv pravnu imovinsku korist, a preduzeće oštetio za više od 50.000,00 KM.

Pričinjena šteta:

- Prodaja vozila marke TUAREG, 2005.g., reg.oznaka: T41-A-145, za iznos od 6.000,00 KM, iako je neposredno prije prodaje u vozilo uloženo oko 6.000,00 KM, a vrijednost vozila na tržištu (prema podacima sa pik.ba za vozila iste godine i kategorije) je oko 21.000,00 KM, čime je pričinjena šteta oko 15.000,00 KM;
- Prodao vozilo marke "ŠKODA OCTAVIA" reg. oznaka: K57-A-986, godina proizvodnje: 2009., prodato za 5.000,00 KM a vrijednost vozila na tržištu (prema podacima sa pik.ba za vozila iste godine i kategorije) je oko 15.000,00 KM, čime je pričinjena šteta oko 9.000,00 KM;
- U tijeku 2015. godine vršio prodaju otpadnog željeza sa Olimpijskog kompleksa Zetra bez javnog oglašavanja prodaje, suprotno propisima i interesima javnog preduzeća, čime je mogao sebi i drugima pribaviti protivpravnu imovinsku korist, a preduzeću nanijeti štetu više desetine hiljada KM. Radi se o starom željezu od ventilacionih cijevi, ograda i od staze za brzo klizanje, dužina staze 400 metara, širine 8 metara. Staro željezo je odvezeno i prodato na više od 60 kamiona. Postoji osnovana sumnja da su količine starog željeza prikazane u znatno manjim količinama, da sav novac nije položen u blagajni, a radi prikrivanja traga, po nalogu direktora Hubijara i njegovih užih saradnika, vozači su se mijenjali svaki dan. Još veću osnovanu sumnju potvrđuje i činjenica da je staro željezo prodato za gotovinu i da nije bilo naplate preko transakcijskog računa preduzeća, što je suprotno odredbama Zakona o finansijskom poslovanju u FBiH.
- Prekoračenjem ovlaštenja izvršio sklapanje ugovora o djelu i isplatu fizičkim licima naknada u gotovom novcu suprotno odredbama Zakona o porezu na dohodak i Zakonu o doprinosima u FBiH, čime je nanio štetu preduzeću i štetu po osnovu uskraćivanja plaćanja poreza i doprinosa, a drugima omogućio imovinsku korist.
- Direktor je zloupotrijebom položaja i nesavjesnim radom u službi utrošio budžetska sredstva oko 2,5 mil.KM za sanaciju skladišnog prostora u Olimpijskoj dvorani Zetra, a da nije stavio u funkciju u funkciju 8000 m2 poslovnog prostora, te time nije implementirao tačku 4.5.2. Programa sanacije i nije adekvatno izvršio rekonstrukciju i sanaciju poslovnih prostora u Olimpijskoj dvorani Zetra, te nije ostvario planirani na ime prihoda od zakupnina predmetnog poslovnog prostora u iznosu od 52.000 KM na mjesečnom nivou, što je planirano kolateralom za otplatu kredita, čime je nanešena materijalna šteta u iznosu od više stotina hiljada KM.

**3. Direktora KJKP "ZOI-84" d.o.o. OCS Sarajevo, počinio: Član 280. Povreda prava iz radnog odnosa, time što je kršenjem propisa ili općeg akta ili kolektivnog ugovora o zasnivanju ili prestanku radnog odnosa, o plaći ili drugim primanjima, uskratio ili ograničio zaposlenicima prava koja im pripadaju.**

Počinjeno krivično djelo ogleda se u činjenici da je direktor nezakonito smanjio plaće radnicima isplaćivanjem najniže propisane satnice i primjenom koeficijenta 1, tj. isplatom minimalne plaće u suprotnosti sa Zakonom o radu, Općim kolektivnim ugovorom, Granskim kolektivnim ugovorom i ugovorima o radu zaposlenika, te što je suprotno odredbama člana 41. Zakona o javnim preduzećim u FBiH, uprava na čelu sa direktorom i jedan broj užih i podobnih saradnika dobija plaću u punom iznosu, a svi ostalu minimalni zagarantovani lični dohodak. Pčinjena šteta ogleda se u sudskim troškovima i kamatama koje isplaćuje preduzeće po dobijenim sudskim sporovima po tužbama uposlenika.

Dirketor je krišio Pravilnik o organizaciji i sistematizaciji radnih mjesta i Programa zbrinjavanja viška zaposlenika, otuštanje tehnološg viša i zapošljavanje novih radnika, bez odobrenja Vlade Kantona Sarajevo.

Direktor KJP Zoi 84 se oglušio poduzeti mjere na pismena upozorenja odgovornih osoba u preduzeću o neispravnosti instalacija vatro dojave, agregata za rezervno napajanje el.energijom idr. u dvorani Zetra sve do zatvaranja iste od strane nadležne inspekcije MUP-a KS, čime je ugrozio sigurnost građana prilikom održavanja mnifestacija.

- 4. Direktor KJKP „ZOI'84“ d.o.o. Sarajevo u svojstvu odgovornog lica je počinio krivično djelo iz člana 249. KZ FBIH - Izrada lažne bilanse, time što je krivotvorio podatke o stanju imovine u bilansu stanja na dan 31.12.2016.goidne i stanje prihoda i kapitala u bilansu uspjeha na dan 31.12.2016.godine, čime je izvršeno lažiranje finansijskog rezultata za 530.000,00 KM više iskazanog prihoda. Preduzeće je ostvarilo gubitan u iznosu od 524.512,00 KM umjesto dobiti od 5.488.**

**Ured za reviziju institucija BiH u Izvještaju o finansijskoj reviziji Kantonalnog javnog preduzeća „ZOI 84 - Olimpijski centar Sarajevo“ d.o.o. za 2016. godinu, broj: 09-68/17, juni 2017.godine dao je negativno mišljenje o finansijskim izvještajima, u kom se navodi:**

### **1. MIŠLJENJE O FINANSIJSKIM IZVJEŠTAJIMA**

Osnova za negativno mišljenje:

1. Zemljište ispod Olimpijskog kompleksa Zetra koje je prema zemljišnim knjigama u vlasništvu Društva, procijenjene vrijednosti 18.328.800 KM nije evidentirano u poslovnim knjigama, što je imalo za posljedicu da su imovina i kapital podcijenjeni za navedeni iznos (tačka 6.2.1 Izvještaja);

2. Društvo je na dan 31.12.2016. godine iskazalo na poziciji datih avansa 505.820 KM, koji se odnose na kupljene prostorije u hotelu Bjelašnica u 2012. godini. Navedena imovina nije evidentirana na odgovarajućoj poziciji, već u okviru datih avansa (tačka 6.2.1 Izvještaja);

3. Društvo je po osnovu unosa imovine, odnosno početnog priznavanja objekta „Opservatorij na planini Bjelašnica“ **za vrijednost od 530.000 KM povećalo prihode, umjesto da je povećalo osnovni kapital, što je imalo za posljedicu da su prihodi i finansijski rezultat precijenjeni a kapital podcijenjen za navedeni iznos(tačka 6.1.1.3 Izvještaja);**

Direktor je uputio finansijski izvještaj o poslovanju za period 01.01. do 31.12.2016.godine a da prethodno nije izvršena revizija finansijskih izvještaja od strane vanjskog revizora. Nadzorni odbor i Skupština preduzeća nisu mogli razmatrati finansijske izvještaje bez izvještaja vanjskog revizora, što je suprotno odredbama člana 236 stav 2. Zakona o privrednim društvima FBiH.